



Քաղաքական, հասարակական, մշակութային թերթ 29 մայիսի 2026թ. թիվ 11 (639)

ՀԱՎԵՐՔ ՓԱՌՔ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՐՏԱՎՆ ԲՈԼՈՐ ԵՐԱԿՏԱՎՈՐՆԵՐԻՆ



Ամեն տարվա Մայիսի 28-ին բովանդակ հայությունն անհուն երախտագիտությամբ գլուխ է խոնարհում բոլոր այն այրերի առաջ, ովքեր արյան ու մոխիրների միջից 1918 թվականին հրաշքով կարողացան դնել Հայաստանի Հանրապետության հիմքերը, որոնց վրա էլ վեր բարձրացան, ամ-

րապնդվեցին ու զարգացան Հայաստանի Երկրորդու Երրորդ Հանրապետությունները:

Այո՛, Հայաստանի Հանրապետության առաջին ճարտարապետները չէրկնջեցին ստեղծված ծայրահեղ բարդ իրավիճակում՝ կայացնելով պատմական վճիռը: Սարգարայատում, Բաշ-Ապարանում, Ղարաբլիխայում, Սեւանի ավազանում, Հայաստանի այլ վայրերում մեր հողի ու արյան թշնամիների դեմ գոյամարտ տվող զինվորների ու սպաների կողքին համարժեք խիզախություն հանդես բերեցին նաեւ քաղաքական գործիչները՝ պատմական ակտով հավերժացնելով թե՛ Հայաստանի Հանրապետության ընթացքը, թե՛ իրենց անունները:

Հիմա հերթը մերն է՝ պաշտպանելու, ծաղկեցնելու, փայփայելու եւ զարգացնելու համայն աշխարհի հայության միակ ու անկրկնելի հայրենիքը՝ բոլորիս համար սրբազան համարվող Հայաստանի Հանրապետությունը:

«Գեղամա աշխարհ»

ՀՀ ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՄԱՐԳԱՅԱՆԻ ՈՒՂԵՐՁԸ ՀԱՅԱՍՏԱՆԻ ԱՌԱՋԻՆ ՀԱՆՐԱՊԵ- ՏՈՒԹՅԱՆ ԱՆԿԱՌՈՒԹՅԱՆ ՀՈՉԱԿ- ՄԱՆ ՏՈՆԻ ԱՌԹՎ



Սիրելի՛ հայրենակիցներ, Շնորհավորում եմ բոլորիս Հայաստանի Առաջին Հանրապետության հռչակման օրվա կապակցությամբ:

Մայիսի 28-ը մեր պետականության, ազգային արժանապատվության եւ միասնականության խորհրդանշն է: Այս օրը մեզ հիշեցնում է խաղաղ, անվտանգ եւ ուժեղ պետություն կառուցելու մեր ընդհանուր պատասխանատվության մասին:

Այսօր մեր առաջնային նպատակներից է՝ ամրապնդել հաստատված խաղաղությունը, ապահովել երկրի անվտանգ զարգացումն ու կայուն ապագան: Այդ ճանապարհին Հայաստանի Հանրապետության բանակը շարունակում է կարելու դեր ունենալ՝ պաշտպանելով մեր պետության անվտանգությունն ու խաղաղ կյանքը:

Հանրապետության հրապարակում կայանալիք զորահանդեսը խորհրդանշում է մեր պետության կազմակերպվածությունը, կայունությունը ու խաղաղ ապագայի հանդեպ վստահությունը:

Թող այս օրը յուրաքանչյուրիս համար դառնա մեր հավատ ու պատասխանատվություն ներքնջող խորհրդանշ՝ հանուն խաղաղ, անվտանգ եւ զարգացող Հայաստանի:

Խաղաղություն մեր ժողովրդին, ուժ՝ մեր պետությանը:

ՆՈՐԱՐԱՅԻ ՊԱՏՄԱՆԸԱՌՈՒԹՅՈՒՆ ՈՒ ՊԱՏՄԱՆԸԱՌՈՒԹՅԱՆ ՆՈՐԱՐԱՅՑ ԱՐԺԵՔՆԵՐԸ

Գեղարքունիքի մարզի Վարդենիս համայնքի Նորարայ սահմանամերձ գյուղը բնակեցված է եղել անհիշելի ժամանակներից: Այդ մասին են վկայում 2011-2013 թվականներին ՀՀ զԱԱ հնագիտության եւ ազգագրության ինստիտուտի կողմից այստեղ իրականացված հնագիտական պեղումները Գեղամահայի Հայկի ու Թյուրինգենի համալսարանների հետ համագործակցությամբ: Գիտական արշավախմբի ղեկավար, հնագետ, պատմական գիտությունների դոկտոր Արսեն Բորիսյանի վկայությամբ՝ Պեղումներ են իրականացվել Նորարայ գյուղին կից գտնվող ամրոց-բնակավայրի «Նորարայ 1» հնավայրում: Բնակավայրը տեղակայված է Սոթքի ոսկու հանքեր տանող ճանապարհին: Պեղումների արդյունքում գտնված նյութերը պարզել են, որ հուշարձանի տարածքը բնակեցված է եղել դեռեւս վաղ բրոնզի դարաշրջանում (Ք.ա. 35-25 -րդ դարերում, իսկ պաշտպանական համակարգը գործել է վաղ եւ միջին երկաթի դարաշրջանում (Ք.ա. 12-7-րդ դարերում):

Պատմական այլ աղյուրները տեղեկացնում են, որ Նորարայը Քրիստոսից առաջ յոթերորդ դարից ընդգրկված է եղել Մեծ Հայքի թագավորության մեջ, Սյունյաց նահանգի Սողաց գավառի կազմում: 13-րդ դարից տարածքն անցել է Դուխյան իշխանական տան տիրապետության ներքո: Հետո տարածքը մտել է Սեֆյան Իրանի, այնուհետ՝ Ռուսաստանի կազմում: 1918 թվականի մայիսից գտնվում է Հայաստանի Հանրապետության կազմում:

/շարունակությունը՝ էջ 3-ում/

ԳԵՂԱՐՔՈՒՆԻՔԻ ՄԱՐԶԻ ՀԱՆՐԱՊԵՏՈՒԹՅԱՆ ԴՊՐՈՑՆԵՐԻՆ ՀՐԱԺԵՇՏ ՏՎԵՐԻՆ 4254 ԱՇԽԱՅԵՐՏ

Գեղարքունիքի մարզի 123 հանրակրթական հաստատություններում 2026 թվականի մայիսի 22-ին հնչեց Վերջին զանգը:

«Վերջին դաս» միջոցառումներն անցկացվեցին ՀՀ ԿԳՄՍ նախարարության ենթակայությամբ գործող 8 եւ Գեղարքունիքի մարզպետի աշխատակազմի ենթակայությամբ գործող 115 դպրոցներում:

2025-2026 ուսումնական տարվա ավարտին դպրոցներին հրաժեշտ են տալիս 4254 շրջանավարտ, որից 568-ը՝ ԿԳՄՍ նախարարության ենթակայության, 3686-ը՝ Գեղարքունիքի մարզպետի աշխատակազմի ենթակայությամբ գործող դպրոցներից:

Շրջանավարտներից 2591-ը ավարտում են 9-րդ դասարանը, 1663-ը՝ 12-րդ դասարանը: ՀՀ ԿԳՄՍ նախարարության ենթակայությամբ գործող դպրոցների 12-րդ դասարանին հրաժեշտ են տալիս 543 աշակերտ, Գեղարքունիքի մարզպետի աշխատակազմի ենթակայությամբ գործող միջնակարգ դպրոցների 12-րդ դասարաններին՝ 1120 աշակերտ:

«Վերջին դաս» միջոցառումներին մասնակցել են եւ Գեղարքունիքի մարզպետի աշխատակազմի, Մարտունու, Վարդենիսի, Գավառի, Սեւանի եւ ճամբարակի համայնքապետարանների աշխատակիցներ, ծնողներ:

Հասարակական կարգը խստիվ հսկվել է ՀՀ ՆԳՆ պատկան մարմինների կողմից:

Հանրակրթական դպրոցների շրջանավարտներին շնորհավորական ուղերձ է հղել Գեղարքունիքի մարզպետ Կարեն Սարգսյանը:

«Սիրելի՛ շրջանավարտներ, հարգելի՛ ուսուցիչներ, ծնողներ եւ կրթության ոլորտի ներկայացուցիչներ, ջերմորեն շնորհավորում եմ ձեզ «Վերջին զանգի» կապակցությամբ:

Այս օրը յուրահատուկ սահմանագիծ է յուրաքանչյուր շրջանավարտի կյանքում՝ լի հուզմունքով, հիշողությամբ, երազանքներով ու նոր սպասումներով: Դպրոցական տարիներն ավարտ-



վում են, սակայն սկսվում է առավել պատասխանատու ու կարելու մի փուլ, որտեղ ձեր գիտելիքը, աշխատասիրությունն ու արժեհամակարգը դառնալու են ձեր գլխավոր ուղեցույցները:


Սիրելի՛ շրջանավարտներ, վստահ եմ՝ ձեզանից յուրաքանչյուրն իր ներդրումն է ունենալու մեր համայնքների, մեր պետության զարգացման ու հզորացման գործում: Մնացե՛ք համարձակ, նպատակասլաց եւ երբեք չկորցնեք հավատը ձեր ուժերի նկատմամբ:

Առանձնահատուկ շնորհակալություն եմ հայտնում ուսուցիչներին՝ նվիրված աշխատանքի, համբերության եւ սերունդներ կրթելու պատասխանատու առաքելության համար: Շնորհակալություն նաեւ ծնողներին՝ մշտական աջակցության եւ հոգատարության համար:

Թող այս օրը դառնա մեր հաջողությունների, մեծ ձեռքբերումների եւ խաղաղ ու բարեկեցիկ ապագայի սկիզբ:

Բարի երթ ձեզ, սիրելի՛ շրջանավարտներ», - ասված է Գեղարքունիքի մարզպետի շնորհավորական ուղերձում:

«Գեղամա աշխարհ»



2

ՄԱՐՏՈՒՆԻ ՔԱՂԱՔԻ 6 ՓՈՂՈՑՆԵՐՈՒՄ ԸՆԹԱՆՈՒՄ ԵՆ ՀԱՆՏԱՐԱՐԿՆԵՐԻ ՀԻՄՆԱՆՈՐԹՄԱՆ ԵՎ ՄՅԱՐԹԵՐԻ ԿԱՌՈՒՅՄԱՆ ԱՇԽԱՏԱՆՔՆԵՐ

Գեղարքունիքի մարզի Մարտունի քաղաքի Դավիթ Անհաղթ, Ալաշկերտի, Մխիթար Յերազի, Հրաչյա Ներսիսյան, Նարեկացի եւ Չարենցի փողոցներում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ընթացում են ճանապարհների հիմնանորոգման եւ մայթերի կառուցման ու սալարկման աշխատանքները:

Մարտունի քաղաքի վերոնշյալ 6 փողոցների հիմնանորոգման ծրագրերի պայմանագրային արժեքը կազմում է 275 միլիոն 333 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Ծրագրով նախատեսված է Մարտունի քաղաքի Դավիթ Անհաղթ, Ալաշկերտի, Մխիթար Յերազի, Հրաչյա Ներսիսյան, Նարեկացի եւ Չարենցի փողոցների երթևեկելի մասերի ասֆալտապատում 2900 մետր ընդհանուր երկարությամբ եւ շուրջ 19 հազար քառակուսի մետր մակերեսով եւ ջրահեռացման եւ ոռոգման առուների տեղադրում:

Հիմարարական աշխատանքները մեկնարկել են 2026 թվականի մարտ ամսից եւ կավարտվեն 2026 թվականի



աշնանը:

Մարտունի քաղաքի Դավիթ Անհաղթ, Ալաշկերտի, Մխիթար Յերազի, Հրաչյա Ներսիսյան, Նարեկացի եւ Չարենցի փողոցների մայթերի կառուցման ու սալարկման ծրագրերի ընդհանուր պայմանագրային արժեքը կազմում է

263 միլիոն դրամ, որի 65 տոկոսը հատկացնում է ՀՀ կառավարությունը, 35 տոկոսը՝ Մարտունու համայնքապետարանը:

Ծրագրով նախատեսվում է վերոնշյալ փողոցների մայթերի կառուցում ու սալարկում շուրջ 5981 քառակուսի մետր մակերեսով:

Հիմարարական աշխատանքների մեկնարկը Դավիթ Անհաղթ,

Ալաշկերտ եւ Նարեկացի փողոցներում տրվել է 2025 թվականի սեպտեմբերից, Մխիթար Յերազի, Հրաչյա Ներսիսյան եւ Չարենցի փողոցներում՝ 2026 թվականի մարտ ամսից: Մայթերի կառուցման ու սալարկման աշխատանքները նախատեսվում է ավարտել 2026 թվա-

կանի դեկտեմբերին:

Դավիթ Անհաղթ, Նարեկացի, Չարենցի փողոցներում 2026 թվականի մայիսի 25-ի դրությամբ շինարարական աշխատանքներն ավարտված են շուրջ 70, Հրաչյա Ներսիսյան փողոցում՝ շուրջ 30 տոկոսով: Մխիթար Յերազի եւ Ալաշկերտ փողոցներում աշխատանքների մեկնարկը նոր է տրվել:

Մարտունի քաղաքի 6 փողոցների ճանապարհների երթևեկելի մասի հիմնանորոգման եւ մայթերի կառուցման ու սալարկման ծրագրի վրա ծախսվող ընդհանուր գումարը կկազմի 538 միլիոն 333 հազար դրամ:

Կենսական կարելուր նշանակության այս ծրագրերի իրականացման արդյունքում Մարտունի քաղաքի Դավիթ Անհաղթ, Ալաշկերտի, Մխիթար Յերազի, Հրաչյա Ներսիսյան, Նարեկացի եւ Չարենցի փողոցների հազարավոր բնակիչներ պատմության մեջ առաջին անգամ ասֆալտապատ ճանապարհներից ու սալիկա մայթերից օգտվելու հնարավորություն կունենան՝ հիմնովին ազատվելով տասնամյակն ի վեր գոյություն ունեցող ճանապարհների անբարեկարգ ու անհրապույր վիճակի բեռից:

Խոսքով Խլղաթյան

ՀԻՄՆԱՆՈՐԹՎՈՒՄ Է ԳԱՆՁԱԿԻ ՄՅԱՐԹ-ՆՈՎԱ ՓՈՂՈՑԸ



Գեղարքունիքի մարզի Գավառ համայնքի Գանձակ գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում սկսվել են ընթացում են Սայաթ-Նովա փողոցի հիմնանորոգման աշխատանքները:

Գանձակի Սայաթ-Նովա փողոցի հիմնանորոգման ծրագրի պայմանագրային արժեքը կազմում է 73 միլիոն 500 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Գավառի համայնքապետարանը:

Ծրագրով նախատեսված է Սայաթ-Նովա փողոցի հիմնանորոգում 767 գծամետր երկարությամբ եւ 4219 քառակուսի մետր մակերեսով: Տեղադրվում են նաեւ ջրահեռացման առուներ երկաթբետոնյա կիսախողովակներով:

2026 թվականի մայիսի 16-ի դրությամբ Սայաթ-Նովա փողոցում արդեն ավարտվել են հողային եւ ջրահեռացման առուների տեղադրման աշխատանքները, ճանապարհի երթևեկելի մասը նախապատրաստվում է ասֆալտապատման:

Հիմարարական աշխատանքները կավարտվեն մայիսի վերջերին:

Հիմարարական աշխատանքներն իրականացնում է «Գավառի ճՇՇ» ԲԲԸ-ն:

Ավարդ Մանուկյան

ՄԱՐՏՈՒՆԻ ՔԱՂԱՔԻ ԵՐԵՎԱՆՅԱՆ ԵՎ ՄՅԱՐԹԻԿՅԱՆ ՓՈՂՈՑՆԵՐՈՒՄ ՀԱՐՈՒՆՆԵՎՈՒՄ ԵՆ ՀԻՄՆԱՆՈՐԹՄԱՆ ԱՇԽԱՏԱՆՔՆԵՐԸ

Գեղարքունիքի մարզի Մարտունի քաղաքի Երեւանյան եւ Մյասնիկյան փողոցներում շարունակվում են հիմնանորոգման աշխատանքները, որոնց մեկնարկը տրվել էր նախորդ տարվա սեպտեմբերից, ՀՀ պետությունից տրամադրված միջոցների հաշվին:

Մարտունու Երեւանյան եւ Մյասնիկյան փողոցների հիմնանորոգման ծրագրի պայմանագրային արժեքը կազմում է 677 միլիոն 777 հազար դրամ:

Ծրագրով նախատեսված է Մարտունի քաղաքի Երեւանյան եւ Մյասնիկյան փողոցների փողոցների առանձին հատվածների հիմնանորոգում 1,7 կիլոմետր երկարությամբ, ջրահեռացման ներքին եւ արտաքին ցանցերի կառուցում, մայթերի սալիկապատում, մուտքերի եւ իջատեղերի ասֆալտապատում, գծանշում եւ կահավորում: Տեղադրվող երկշերտ ասֆալտբետոնե ծածկը կկազմի 18 հազար 500 քմ մակերեսով: 4400 քմ ասֆալտբետոնե շերտ էլ տեղադրվում է մուտքերում եւ իջատեղերում:

Մյասնիկյան փողոցում հիմնանորոգման աշխատանքները իրականացվում են կինոթատրոնի շենքից մինչեւ երաժշտական դպրոցի խաչմերուկ ընկած հատվածում, Երեւանյան փողոցում՝ ոստիկանության շենքից մինչեւ Ախթամարի արձանի խաչմերուկ ընկած հատվածում:

2026 թվականի մայիսի 16-ի դրությամբ շինարարական աշխատանքներն իրականացվել են շուրջ 60 տոկոսով: Երեւանյան փողոցում ասֆալտապատման աշխատանքները ավարտված են, իսկ Մյասնիկյան փողոցում դրանք կսկսվեն առաջիկա օրերի ընթացքում: Գանապարհաշինությանը զուգահեռ կառուցվում են հարմարավետ մայթեր եւ առանձնացվում են կանաչա-



պատման հատուկ գոտիներ: Հիմնանորոգման աշխատանքների շրջանակում Մարտունի քաղաքի Մյասնիկյան փողոցի այն հատվածներում, որտեղ արդեն պատրաստ են կանաչ գոտիների տարածքները՝ տնկվել են 2-3 մետր բարձրություն ունեցող «Տուա» տեսակի դեկորատիվ ծառեր: Ընտրված ծառատեսակները համապատասխանում են քաղաքային միջավայրի չափանիշներին՝ չփակելով տեսողաշտը եւ ապահովելով քաղաքի գեղեցիկ ու խնամված տեսքը:

Մարտունու Մյասնիկյան եւ Երեւանյան փողոցների հիմնանորոգման, կանաչապատման ու ծառապատման աշխատանքները կավարտվեն առաջիկա ամիսների ընթացքում:

«Գեղամա աշխարհ»

ՀԱՄԲԱՐԱՎՈՒՄ ԱՐՏԱՔԻՆ ԼՈՒՍԱՎՈՐՈՒԹՅԱՆ ՑԱՆՅԻ ԿԱՌՈՒՅՄԱՆ ՆՈՇՈՐ ԾՐԱԳԻՐ Է ԻՐԱՎԱՆՑՎՈՒՄ



Գեղարքունիքի մարզի ճամբարակ համայնքի բնակավայրերում արտաքին լուսավորության ցանցի կառուցման խոշոր ծրագիր է իրականացվում ընդգրկելով ճամբարակ քաղաքը, Վահան եւ Թթուջուր բնակավայրերը, ինչպես նաեւ Հ-30 հանրապետական նշանակության ավտոճանապարհի հատվածներ:

Ինչպես տեղեկացրին ճամբարակի համայնքապետարանի աշխատակազմից,

ճամբարակի արտաքին լուսավորության ցանցի կառուցման ծրագրի պայմանագրային արժեքը կազմում է 182 միլիոն դրամ, որի 70 տոկոսը հատկացնում է ՀՀ կառավարությունը, 30 տոկոսը՝ ճամբարակի համայնքապետարանը:

Ծրագրով նախատեսվում է արտաքին լուսավորության ցանցի կառուցում ճամբարակ քաղաքի կենտրոնական փողոցում, Վերին ճամբարակ քաղամասում, Վահան ու Թթուջուր գյուղերում, ինչպես նաեւ Հ-30 հանրապետական նշանակության ավտոճանապարհի որոշակի հատվածներում, 11 հազար 780 գծամետր երկարությամբ:

Հիմարարական աշխատանքները մեկնարկել են 2025 թվականի նոյեմբերից եւ 2026 թվականի մայիսի

18-ի դրությամբ իրականացվել շուրջ 70 տոկոսով:

Աշխատանքները նախատեսվում է ավարտել 2026 թվականի ընթացքում:

Վերջերս ճամբարակի արտաքին լուսավորության ցանցի կառուցման շինհրապարակ է այցելել ու աշխատանքները դիտարկել ՀՀ վարչապետ Նիկոլ Փաշինյանը:

«Գեղամա աշխարհ»

ԳԵՂԱՐՔՈՒՆԻՔԻ ՄԱՐԶՈՒՄ ԿԱՏԱՐՎԵԼ Է 8773 ՀԵԿՏԱՐ ԳԱՐՆԱՆՑԱՆ

Գեղարքունիքի մարզի համայնքների տնտեսություններում արդեն կատարվել է 8773 հեկտար գարնանացան:

Ինչպես տեղեկացրին Գեղարքունիքի մարզպետի աշխատակազմի գյուղատնտեսության եւ շրջակա միջավայրի պահպանության վարչությունից, 2026 թվականի մայիսի 15-ի դրությամբ Գեղարքունիքի մարզի տնտեսություններում ցանվել է 5803 հեկտար գարնանացան գարի, 2121 հեկտար կարտոֆիլ, 319,5 հեկտար գարնանացան ցորեն, 259 հեկտար բազմամյա կերային մշակաբույսեր, 192 հեկտար վարսակ, 37 հեկտար այլ հացահատիկ, 20 հեկտար ոլոռ, 16 հեկտար տեխնիկական մշակաբույսեր, 5 հեկտար ոսպ:

Նախորդ աշնանը Գեղարքունիքի մարզում կատարվել է 14 հազար 770,5 հեկտար աշնանացան, որից 14 հազար 651,6 հեկտարը կազմում են աշնանացան ցորենի, 1 հեկտարը՝ աշնանացան գարու եւ



117,9 հեկտարը՝ սխտորի ցանքերը: Գարնանացանի ընթացքը որոշակիորեն ձգձգվել է գարնանային ամիսների անբարենպաստ եղանակների պատճառով: Մարզի տնտեսություններում գարնանացանի աշխատանքները կշարունակվեն մայիսի երրորդ տասնօրյակի եւ հունիս ամսի առաջին կեսի ընթացքում:

ՆՈՐԱԲԱՆԻ ՊԱՏՄԱՐԱՆՈՒԹԱՅԻՆ ՈՒ ՊԱՏՄԱՐՆԱԳԻՏԱԿԱՆ ՆՈՐԱՐԱՆՅՑ ԱՐԺԵՔՆԵՐԸ



/սկիզբը էջ 1-ում/

Այս գյուղը գտնվում է Արցախ տանող ճանապարհներից մեկի հանգույցում, ուստի եւ շատ հաճախ է ենթարկվել նվաճողների ասպատակություններին, դարձել ռազմական բախումների վայր։ Ու դժվար չէ պատկերացնել, թե ինչ սարսափներ ու կորուստներ է կրել հայ բնակչությունը այդ արշավանքների արդյունքում։ Այս գյուղը նաեւ հսկող դիրք ունի իրենից դեպի հյուսիս տարածվող Մասրիկի լայնածավալ հարթավայրի վրա։

Նորաբանում վերջերս գետնատարած վիճակից բարձրացված ու կանգնեցված խաչքարի արձանագրությունը հավաստում է, որ այստեղ հայ բնակչությունն ապրել է մինչեւ 17-րդ դարի վերջերը, գուցե նաեւ 18-րդ դարի սկիզբը, որից հետո արդեն գյուղը վերաբնակեցվել է մահմեդական ցեղերով։ Մերոպ արքեպիսկոպոս Սմբատյանցն իր «Տեղագիր Գեղարքունի Օժվագարդ գավառի» կոթողային ու հանրագիտարանային աշխատության մեջ այս գյուղի անունը նշում է Ղարադոյին տարբերակով, որպես արդեն



թուրքաբնակ, «Որո վերելի բլրակի վերա կան գերեզմաններ եւ խաչքարեր, որոց միույն վերա արեւելյան երեսից գրված էր. «Շնորհիվն Աստուծո ես տեր Մովսես բեկ եւ աղա գյուղիս միաբան կանգնեցի սուրբ խաչս բարեխոս Տեր Սահակին, հորն յուրո Միր Հավրային, թոռն Իսրայելին, հիշեցեք ի Քրիստոս»։ Սույն խաչքարի արեւմտյան երեսին գրված է. «Սուրբ խաչս բարեխոս Սահակ կազմողին, թվին ՌճԽԷ/ 1698/

Տապանաքարերի միույն վերա գրված է. «Այս է հանգիստ հուղանի որդի պարոն Իվանին, թվ. ՌճԻԷ/1678/»։

Եկեղեցվո միայն մի որմն եւ երկու սյունքն երեւ-

ին», -վկայում է Մերոպ Սմբատյանցը։

Հարկ է նշել, որ Մերոպ Սմբատյանցն այս վայրեր այցելել է 1863 թվականին, երբ դեռ կանգուն են մնացել գերեզմանատանը մոտ գտնվող եկեղեցու մի պատն ու սյունը։ Իսկ ահա հետագա ժամանակներում այլալեզու ու այլադավան ցեղերը վերացրել են թե՛ Իվանի տապանաքարն ու բազմաթիվ այլ խաչքար-տապանաքարեր, թե՛ եկեղեցու պատն ու սյունը։

Գյուղի անունը եւ խաչքարի արձանագրությունը նույնությամբ հիշատակում է ակնավոր մյուս հնագետը՝ Երվանդ Լալայանը, ով 1910-ական թվականներին այս տարածքի բնակավայրեր է այցելել՝ պատմագիտական ուսումնասիրություններ կատարելու նպատակով։

Նորաբանի անունը Մեծ Ղարադոյունի տարբերակով նշում է նաեւ անվանի հայագետ, վիճագրագետ Սեդրակ Բարխուդարյանը՝ իր «Հայ միջնադարյան ճարտարապետներ եւ քարգործ վարպետներ» աշխատություններից մեկում անդրադառնալով Օհանես կազմողի գործունեությանը։ «Այս վարպետի շինած միակ հայտնի խաչքարը գտնվում է Բասարգեչարի շրջանի Մեծ Ղարադոյունի գյուղում։ Այն կանգնած է գյուղամիջի բլրի գագաթին, որտեղ հնում եղել է գերեզմանատուն։ Խաչքարն իր դարաշրջանի լավագույն նմուշներից է, գեղեցիկ քանդակներով զարդարված է ոչ միայն արեւմտյան, այլ նաեւ արեւելյան երեսը, որի կենտրոնում պատկերված է մեծ խաչ, իսկ շուրջն ընդարձակ արձանագրություն է փորագրված։ Խաչքարը կանգնեցրել են իրենց հոր՝ Տեր Սահակի եւ մոր հիշատակին նրանց չորս զավակները, 1698 թվականին։ Այս խաչքարի արձանագրություններն առաջին անգամ հրատարակել է Սմբատյանցը, խիստ աղճատված ձևով, ուր եւ Օհանեսի փոխարեն կազմող է դարձել խաչքարի տերը՝ Սահակը։ Այս նույն աղճատումներով այն մտել է նաեւ Երվանդ Լալայանի աշխատության մեջ», -գրում է Բարխուդարյանը։

Ապա նա հստակ ուղղություն է մտցնում արձանագրության տեքստում, որն ասում է. «Շնորհիվն Աստուծոյ ես Թամրազ, Տեր Մովսես, Սլայակես, Ղարագուզս միապան կանկնեցինք խաչս բարեխոս Տեր Սահակին՝ հորս մերո եւ մար մեր Հմահն, թոռ Նիւրայելին. իշեցեք ի Քրիստոս»։

Իսկ այս խաչքարի ճակատային մասի ամենավերին քիվում ուռուցիկ ու ընդգծված տառերով գրված է. «Սուրբ խաչս բարեխոս Տեր Սահակին. Օհանես կազմող»։

Այս խաչքարը շատ չարչրկված, բայց հայտնության նման պատմություն ունի, քանի որ երկար ժամանակ գտնվել է գետնատարած ու հողածածկ վիճակում, անգամ այն ժամանակ, երբ հրաշքով վերահայացած Նորաբանում հաստատվել են Ադրբեջանից 1988 թվականին բռնի տեղահանված հայ ընտանիքները։

Նրա հետքերով տողերիս հեղինակին տարավ պատմաբան, խաչքարաբանության ուսումնասիրության մեջ խորացած Սեւակ Արեւշատյանը։

Այս խաչքարը գտնվում է Նորաբանի մտնող գլխավոր ճանապարհի մոտքից դեպի արեւմուտք, մի քանի տասնյակ մետր հեռվում գտնվող բլրի վրա։

Մինչ խաչքարին հասնելը Սեւակ Արեւշատյանի ուշադրությունը գրավեց քարե անշաղախ ցանկապատի մեջ դրված թամբած ձիու քարե քանդակը։ Նրանից քիչ հեռվում էլ, ճահճոտ տարածքում, հոսող առվի մեջ, նկատեցինք պատկերազարդ տապանաքար, որը, հավանաբար, այստեղ հայտնվել է այլադավանների կողմից տարածքը քանդելու, տակնուվրա անելու ու այլ նպատակներով օգտագործելու արդյունքում։

Պարզապես ցնցող տպավորություն թողեց Օհանեսի կերտած խաչքարը։ Խաչքարի ճակատային մասում, երկու փոքր խաչերի արանքում Հիսուսի պատկերն է։ Դրանցից ցած մեծ խաչի պատկերն է, որի ձախակողմյան հատվածում արդեն Մարիամ Աստվածածինն է Մանուկ Հիսուսին գրկած։ Ամենամերթնում մարդկային երեք պատկերներ են, որոնք հավանաբար այդ ընտանիքի անդամներն են։ Խաչքար արեւելյան կողմում, թիկունքային մասում արդեն մի խաչ է քանդակված, որի շուրջ էլ տարածվում է վերը հիշատակված արձանագրությունը։

-Այս խաչքարը հողի երեսից բարձրացվել ու կանգնեցվել է միայն 2020 թվականին։ Պատահաբար է հողի շերտի տակ նկատվել քարի վրայի խաչն ու գիրը։ Մի քանի տարի առաջ, դարձյալ պատահական դիպվածով, այս տարածքում հողի տակից դուրս են բերվել մի քանի հիասքանչ խաչքարեր, իսկ մի խաչքար էլ ի հայտ եկավ դարոցի շենքի դիմաց, ճանապարհի եզրին, որն այժմ էլ կանգնեցված վիճակում է։ Ես կարծում եմ, որ գյուղի մեջ ու նրա վարչական տարածքում դեռ շատ ավելի խաչքարեր ու տապանաքարեր կգտնվեն, որոնք երկար տարիների ընթացքում ավերել կամ թաղել ու թաքցրել են մեր ժողովրդին ու նրա պատմամշակութային արժեքներին՝ թշնամացած ցեղերը, -նշեց Նորաբանի վարչական ղեկավար Վազգեն Ասատուրյանը։

Հնավայրի տարածքում տեսանք ցանկապատ ծառայող մի տապանաքար, որի



լուսանկարն ուսումնասիրելու ժամանակ նկատեցինք վիճագիր արձանագրություն, որի վերծանման համար հարկ կլինի վիճագրագետների օգնությունը։

Վազգեն Ասատուրյանը մեզ ուղեկցում է դեպի շրջակայքի ավերակներ՝ ցույց տալով մի քանի հրաշաքանդակ խաչքարեր, որոնք հողի տակից դուրս են բերվել ու ուղղակիորեն հենվել ավերակված պատերին։ Խաչքարերից մեկի բարձրությունը կազմում է շուրջ 3,5 մետր։

Խաչքարերից մեկի կողքին ընկած է քարե սյան խարիսխ, որը միանգամայն հուշում է մոտակայքում մի հոգեւոր ճարտարապետական կառույցի գոյության մասին։

-Դարոցի շենքի դիմաց, գյուղ մտնող մուտքի մոտ ի հայտ եկած խաչքարը պատրաստվել է 9-րդ դարում։ Մեր տեսած երկու խաչքարերը կերտվել են 13-րդ դարում, իսկ մյուս խաչքարը 11-12-րդ դարերում։ Արձանագիր խաչքարն էլ կերտվել է 1698 թվականին։ Այս ամենը փաստում են, որ 9-17-րդ դարերում այս հողի վրա ապրել ու արարել է բացառապես հայ ժողովուրդը, -հավաստեց Սեւակ Արեւշատյանը։



Ապա Վազգեն Ասատուրյանը մեզ ուղեկցեց բլրի հյուսիսային կողմ ցույց տալով մի այլ զարմանահրաշ քանդակ։ Այն մարդկային դեմք ու գլուխ է ընդամենը, որը հիշեցնում է կռքի արձան ու հեթանոսական մշակույթի տարր։ Կարծում եմ, որ այստեղ իրենց հեղինակավոր խոսքը կարող են ասել մասնագետները։

-Այս քանդակն էլ եղել է շուռ տված վիճակում, այնպես, որ երեւացող կողմից սովորական քարի տպավորություն թողնի։ Մի պատահական դիպվածով էլ այդ քարն են շուռ տվել ու տեսել, որ այն գրավիչ քանդակ է։ Այս ողջ տարածքում, կարծում եմ, դեռ շատ խորհրդավոր արժեքներ կան հողին տակ թաղված, որոնք կարող են ի հայտ գալ հնագիտական լուրջ ուսումնասիրությունների ու պեղումների արդյունքում, -հավաստեց Նորաբանի վարչական ղեկավարը։

Մերոպ Սմբատյանցի նկարագրած գերեզմանոցի ժամանակի ընթացքում այստեղ հաստատված մահմեդական բնակիչները գրեթե հետք չեն թողել՝



ամբողջ բլուրն ու շրջակայքը վերածելով բնակելի տարածքների՝ տների ու տնամերձ հողամասերի։ Մի տան կիսաքանդ պատի ստորին հատվածում նկատվեց բուլդոզի մի քանի ուղիղ պատուհաններ՝ արդեն սրբատաշ քարերով, որը սովորական աչքով էլ տարբերվում էր մոր ժամանակների շարվածքից։ Դա էլ գուցե կարող է լինել հայկական եկեղեցու հետքի վկայությունը, ինչպես որ քիչ հեռվում ընկած քարե սյան խարիսխն էր։

Ժամանակավորապես ավարառու ազգերից գերված, վնասված կամ թաղված հայկական պատմամշակութային արժեքները ոչ միայն պետք է խնամվեն ու պահպանվեն աչքի լույսի պես, այլ նաեւ պետք է ստանան պետական գրանցում, հանրահռչակվեն ու ավելացնեն համայն հայության հոգեւոր գանձերի ու մասունքների անհաշվելի կշիռները։

Խոսքով Խաչատրյան



Գեղարքունիքի մարզի Վարդենիս համայնքի Սոթ գյուղում սուբվենցիոն եւ պետական ծրագրերի շրջանակներում 2018-2025 թվականների ընթացքում սոցիալ-տնտեսական եւ կենսական նշանակության 12 ծրագիր է իրականացվել, որոնց ուղղությամբ կատարված կապիտալ ներդրումները կազմել են 1 միլիարդ 834 միլիոն 530 հազար դրամ:

Իրականացված ծրագրերից 8-ը սուբվենցիոն են՝ 492 միլիոն 484 հազար դրամ ընդհանուր արժեքով, եւ 4-ը՝ պետական՝ 1 միլիարդ 418 միլիոն 482 հազար դրամ ընդհանուր արժեքով:

Իրականացված ծրագրերի արդյունքում 2018-2025 թվականներին Սոթում կառուցվել է 11121 մետր խմելու, 4088 մետր ոռոգման ներքին ու արտաքին ջրատար ցանցեր, 6070 մետր արտաքին լուսավորության ցանց, 10000 գծամետր գազատար ցանց, 4 առանձնատուն, վերանորոգվել աղբեջանական ագրեսիայի հետեւանքով վնասված 110 բնակարան, հիմնանորոգվել 400 գծամետր ներհամայնքային



նշանակության ճանապարհ:

«Հայաստանի Հանրապետության բնակավայրերում ընտանիքների բնակարանային մատչելիության ապահովման պետական ծրագրի շրջանակներում 2024 թվականից սկսվել եւ ընթացքի մեջ են գտնվում 72 նորակառույց բնակարանների շինարարական աշխատանքները, 1 միլիարդ 152 միլիոն դրամի ներդրմամբ: Նորակառույց բնակարանների 80 տոկոսն արդեն պատրաստ է շահագործման:

Աղբեջանի զինուժի ձեռնարկած ագրեսիայի հետեւանքով հիմնովին քանդված 4 բնակարանները հիմքից կառուցվել ու շահագործվել են 2024 թվականի դեկտեմբերից, պետբյուջեի միջոցների հաշվին: Այդ բնակարանների կառուցման ու հրետակոծության հետեւանքով վնասված 110 բնակարանների վերանորոգման համար պետբյուջեից հատկացվել է 190 միլիոն դրամ:

«Գեղամա աշխարհ»

ԼԻՀՔՈՒՄ ՍՈՒԲՎԵՆՑԻՈՆ ԵՐԵՔ ԾՐԱԳԻՐ Է ԻՐԱԿԱՆԱՑՎՈՒՄ

Գեղարքունիքի մարզի Մարտունի համայնքի Լիճք գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ավարտական փուլում են գտնվում Ա-2 թաղամասի 9-րդ փողոցի եւ Ա-5 թաղամասի 4-րդ փողոցի ոռոգման ջրատարի ներքին ցանցի կառուցման աշխատանքները:

Լիճքի երկու թաղամասերի ոռոգման ջրատարի ներքին ցանցի կառուցման ծրագրի պայմանագրային արժեքը կազմում է 37 միլիոն 809 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է ոռոգման ներքին ցանցի կառուցում երկաթբետոնյա կիսախողովակներով, 1020 մետր ընդհանուր երկարությամբ:

Շինարարական աշխատանքները մեկնարկել են 2025 թվականի հուլիսից եւ 2026 թվականի մայիսի 18-ի դրությամբ արդեն մոտենում են ավարտին:

Ծրագրի իրականացման արդյունքում 2026 թվականի ոռոգման շրջանի մեկնարկից արդեն շուրջ 350 տնտեսություն կապահովվի անկորուստ ու անխափան ջրամատակարարմամբ:

Սուբվենցիոն մեկ այլ ծրագրով մեկնարկել եւ ընթանում են Ա-5 թաղամասի 6-րդ փողոցի հիմնանորոգման աշխատանքները:



Լիճքի Ա-5 թաղամասի 6-րդ փողոցի հիմնանորոգման ծրագրի պայմանագրային արժեքը կազմում է 36 միլիոն 666 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Ծրագրով նախատեսված է Լիճքի Ա-5 թաղամասի 6-րդ փողոցի ասֆալտապատում՝ 532 մետր երկարությամբ եւ 2550 քառակուսի մետր մակերեսով:

Շինարարական աշխատանքների մեկնարկը տրվել է 2026 թվականի մայիսի 11-ից: Աշխատանքները կավարտվեն առաջիկա 1 ամսվա ընթացքում:

Ծրագրի իրականացման արդյունքում Լիճքի Ա-5 թաղամասի 6-րդ փողոցի բնակիչներն առաջին անգամ ասֆալտապատ ու բարեկարգ ճանապարհից օգտվելու հնարավորություն կունենան:

Լիճքում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ավարտվել են մշակույթի տան վերանորոգման աշխատանքները:

Լիճքի մշակույթի տան վերանորոգման ծրագրի պայմանագրային արժեքը կազմում է 12 միլիոն 138 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Ծրագրով նախատեսված է մշակույթի տան ներքին հարդարում, սանիտացիայի կառուցում, այլ աշխատանքներ:

Շինարարական աշխատանքները մեկնարկել են 2026 թվականի փետրվարի եւ ավարտվել նույն թվականի մայիսի սկզբին:

«Գեղամա աշխարհ»

ԾՈՎԻՆԱՐԻ ՈՌՈԳՄԱՆ ԶՐԱՏԱՐԻ ՆԵՐՔԻՆ ԶԱՆՅԻ ԿԱՌՈՒՑՄԱՆ ԱՇԽԱՏԱՆՔՆԵՐԸ ՄՈՏԵՆՈՒՄ ԵՆ ԱՎԱՐՏԻՆ



Գեղարքունիքի մարզի Մարտունի համայնքի Ծովինար գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ավարտին են մոտենում ոռոգման ջրատարի ներքին ցանցի կառուցման աշխատանքները:

Ծովինարի ոռոգման ջրատարի ներքին ցանցի կառուցման ծրագրի պայմանագրային արժեքը կազմում է 42

միլիոն 460 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է ոռոգման ջրատարի ներքին ցանցի կառուցում Ծովինարի 5 տարբեր թաղամասերում, երկաթբետոնյա կիսախողովակներով, 1370 մետր երկարությամբ:

Շինարարական աշխատանքները մեկնարկել են 2026 թվականի սեպտեմբերից, վերսկսվել 2026 թվականի մարտից, իսկ մայիսի 15-ի դրությամբ արդեն գտնվում են ավարտական փուլում:

Ծրագրի իրականացման արդյունքում 2026 թվականի ոռոգման շրջանի մեկնարկից արդեն շուրջ 120 տնտեսությունների ոռոգման ջուրը կմատակարարվի անկորուստ ու ժամանակին:

«Գեղամա աշխարհ»

ԱՄՏՂԱԶՈՐԻ 10 ՓՈՂՈԳՆԵՐՈՒՄ ԼՈՒՍԱՎՈՐՈՒԹՅԱՆ ԱՐՏԱՔԻՆ ԶԱՆՅ Է ԿԱՌՈՒՑՎՈՒՄ

Գեղարքունիքի մարզի Մարտունի համայնքի Աստղաձոր գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում ընթանում են արտաքին լուսավորության ցանցի կառուցման աշխատանքները:

Աստղաձորի 10 փողոցների արտաքին լուսավորության ցանցի կառուցման ծրագրի պայմանագրային արժեքը կազմում է 21 միլիոն դրամ, որի 60 տոկոսը հատկացնում է ՀՀ կառավարությունը, 40 տոկոսը՝ Մարտունու համայնքապետարանը:

Ծրագրով նախատեսված է արտաքին լուսավորության ցանցի կառուցում Աստղաձորի 2, 6, 21, 33, 36, 43, 46, 47, 48 եւ 70-րդ փողոցներում, 4400 գծամետր երկարությամբ, ԼԵՂ համակարգով աշխատող շուրջ 150 լուսատուների տեղադրմամբ:

Շինարարական աշխատանքները մեկնարկել են 2026 թվականի ապրիլից եւ մայիսի 15-ի դրությամբ իրականացվել շուրջ 60 տոկոսով: Ծրագիրը



նախատեսված է ավարտել առաջիկա երկու ամիսների ընթացքում:

Ծրագրի իրականացման արդյունքում վերոնշյալ փողոցների բնակիչներն առաջին անգամ արտաքին լուսավորության ցանցից օգտվելու հնարավորություն կունենան:

«Գեղամա աշխարհ»

ՍԵՎԱՆՅԻ ԵՐԵԽԱՆԵՐԻ ՆՎԱՐՆԵՐԸ ԶՈՒՑԱԴՐՎԵԼ ԵՆ ՄՈՂԴՈՎԱՅՈՒՄ

Գեղարքունիքի մարզի Սեւան համայնքի պատանի նկարիչների աշխատանքները վերջերս ցուցադրվել եւ ուշադրության են արժանացել Սոլդովայի Հանրապետությունում:

Մոլդովայի մայրաքաղաք Քիշինյում մայիսի 20-21-ին անցկացվող «Քաղաքապետերի դաշնագիր՝ Արեւելք» ծրագրի 15-ամյակին նվիրված երկօրյա բարձր մակարդակի համաժողովի ընթացքում Մոլդովայի հայտնի գինեգործարան եւ մշակութային համալիր «Castel Mimi»-ում կազմակերպված ճանաչողական այցի ընթացքում գինեգործարանի տարածքում կազմակերպված ցուցահանդեսին ներկայացվել էին ԵՄ կայուն էներգիայի շաբաթների ընթացքում վերջին տարիներին կազմակերպված նկարչական մրցույթների արդյունքում լավագույնը ճանաչված նկարչական աշխատանքներ:


Դրանց ցուցադրման շարքում, ի թիվս Հա-



յաստանի մի շարք համայնքների, ցուցադրվել էին նաեւ սեւանցի պատանի նկարիչների՝ Մարի Գալեյանի (2022թվական), Սյուզի Մանուկյանի (2024թվական), Միշել Գրիգորյանի (2025 թվական) աշխատանքները, որոնք ԵՄ կայուն էներգիա շաբաթների անցկացման արդյունքում ազգային մրցանակաբաշխության ժամանակ ճանաչվել էին հաղթող:

Սեւան համայնքում այս օրերին ընթանում է «ԵՄ կայուն էներգիայի շաբաթ» միջոցառումների ծրագիրը, որում ընդգրկված են համայնքի նախակրթական ու կրթական հաստատությունները:

Արմինե Ղուկասյան



30 ՆՈՐ ԿԱՄԱՎՈՐ ՄԻԱՅԱՎ ՀԱՅԱՍՏԱՆՈՒՄ ԽԱՂԱՂՈՒԹՅԱՆ ԿՈՐՊՈՐԱՏԻ ԱՌԱՔԵԼՈՒԹՅԱՆԸ

2026 թվականի մայիսի 26-ին ՀՀ-ում ԱՄՆ գործերի ժամանակավոր հավատարմատար Դեյվիդ Ալենը մասնակցեց Խաղաղության կորպուսի 31-րդ կամավորների խմբի երդման արարողությանը եւ վարեց նրանց երդման կարգը: Կամավորների նոր խումբը բաղկացած է 30 ամերիկացիներից, որոնք գալիս են Ամերիկայի Միացյալ Նահանգների բոլոր ծայրերից՝ արտագույնում ամերիկյան ժողովրդի ողջ բազմազանությունը:

Հայերեն լեզվի, մշակույթի եւ մասնագիտական հմտությունների 11-շաբաթյա ինտենսիվ վերապատրաստումն ավարտելուց հետո կամավորներն այժմ պատրաստ են միանալու իրենց հյուրընկալ համայնքներին: Առաջիկա երկու տարիների ընթացքում նրանք կապիտան հայկական հյուրընկալ ընտանիքներում եւ կաշխատեն անգլերենի ուսուցիչների եւ երիտասարդության զարգացման ոլորտի մասնագետների հետ: Դասարանային աջակցության, համայնքային ծրագրերի եւ երիտասարդների ներգրավման գործունեության միջոցով կամավորները կնպաստեն անգլերեն լեզվի ուսուցման զարգացմանը եւ կաջակցեն երիտասարդներին՝ ձեռնարկելու այն հմտությունները, որոնք անհրաժեշտ են իրենց համայնքներում վստահ եւ ակտիվ անդամներ դառնալու համար:

Այս տարին առանձնահատուկ է Միացյալ Նահանգների եւ Հայաստանում ԱՄՆ դեսպանության համար, քանզի տարին հոբելյանական է, եւ մենք տոնում ենք ԱՄՆ անկախության 250-ամյակը: Այս տարի նաեւ լրանում է Նախագահ Քեմնեդու հիմնած «Խաղաղության կորպուսի» գործունեության 65 տարին: «Խաղաղության կորպուսը» շարունակում է մնալ ամերիկյան լավագույն ավանդույթները ներկայացնող մի կառույց, որն իրական կապեր ու հարաբերություններ է ձեռնարկում Միացյալ Նահանգների ու այն երկրների միջեւ, որտեղ ծառայում են կամավորները: Այս տարիների ընթացքում աշխարհի գրեթե 150 երկրներում աշխատել են «Խաղաղության կորպուսի» շուրջ 240000 կամավորներ՝ օգնելով տեղի երի-



տասարդներին ձեռք բերել առաջնորդության ու կենսական այլ հմտություններ, նպաստելով համայնքային նախաձեռնությունների իրագործմանը եւ ընձեռնելով շրջադարձային նշանակության միջնաշխարհային փորձառության ձեռք բերման հնարավորություններ: Մշեց ՀՀ-ում ԱՄՆ գործերի ժամանակավոր հավատարմատար Դեյվիդ Ալենը:

Այսօր Խաղաղության կորպուսի հայաստանյան գրասենյակի եւ մեր բոլոր գործընկերների համար հիշարժան օր է, - ասաց Խաղաղության կորպուսի Հայաստանյան գրասենյակի տնօրեն Ուիլիամ Օ'րոարթը, - մենք հպարտ ենք ողջունել Հայաստանում 30 նոր ամերիկացի կամավորներին: Կամավորները կաշխատեն Հայաստանի տարբեր համայնքներում տեղի իրենց գործընկերների հետ՝ ոգեշնչելու աշակերտներին, աջակցելու ուսուցիչներին եւ նպաստելու հայ



երիտասարդների հզորացմանը:

Միջոցառման ներկաների թվում էին ՀՀ կրթության, գիտության, մշակույթի եւ սպորտի նախարար Ժաննա Անդրեասյանը, ՀՀ կառավարության ներկայացուցիչներ, ԱՄՆ դեսպանատան աշխատակիցներ, Խաղաղության կորպուսի նախկին եւ ներկա կամավորներ, կամավորներին հյուրընկալող հայ ընտանիքներ, ինչպես նաեւ ծրագրերի միջազգային եւ տեղական գործընկերներ:

Նոր խմբի կամավորների համալրմամբ՝ Հայաստանի տարբեր գյուղական վայրերում եւ քաղաքներում այժմ ծառայում է Խաղաղության կորպուսի մոտ 70 կամավոր:

Խաղաղության կորպուսի հայաստանյան գրասենյակի մասին

1992 թվականին ՀՀ կառավարության հրավերով Հայաստանում մեկնարկեց

Խաղաղության կորպուսի ծրագիրը: 1992-ից ի վեր Խաղաղության կորպուսը նպաստել է Հայաստանում Խաղաղության եւ բարեկամության հաստատմանը՝ միաժամանակ աջակցելով կրթության եւ երիտասարդության ոլորտների զարգացմանը: ԽԿ կամավորները նաեւ սովորեցրել են հայերին ամերիկյան մշակույթի մասին, իսկ ԱՄՆ վերադառնալով՝ իրենց հայրենակիցներին իրազեկել են հայ մշակույթի մասին:

1992 թվականից ի վեր շուրջ 1200 ԽԿ կամավոր է ծառայել Հայաստանում:

Խաղաղության կորպուսը հիմնադրվել է 1961 թվականին Նախագահ Ջոն Ֆ. Էդենթուի կողմից: Մինչ օրս ավելի քան 240000 ամերիկացի կամավոր է ծառայել աշխարհի 142 երկրներում:

Հայաստանում ԱՄՆ դեսպանատուն

ՀԻՊՆՈՏԻԿ ԱՐՎԵՍՏԻ ՔՐՄԱՊԵՏԸ



«Մի քիչ սիրով նայեք նկարներին, եւ նրանք կխոսեն ձեզ հետ»:

Հրանտ ԹԱԴԵՎՈՍՅԱՆ

ՀՀ ժողովրդական նկարիչ

Թաթուր ժողովրդի նկարիչն է: Նա ամուր է կառնած հայոց սրբազան հողին ու իր կախարդական վրձնով կերտում է ազգային ու համամարդկային արժեքներ:

Արվեստագետն իր գույներով՝ սիրո մեծ մոլորակ է, որտեղ թեւածում է արեգակնային լույսն ու ջերմությունը: Եվ իր արարած կտավներից մարդկությունը սնուցվում է արվեստի կենսատու էներգիայով:

1938 թվականի ապրիլի 20-ին Շիրակի աշխարհում տիեզերական գույների հողմապտույտ էր: Այդ օրն է ծնվել Հրանտ Հովհաննեսի Թադեոսյանը: Այսօր մեծն Վարպետը 88 տարեկան է: Ճաշակելով կյանքի դառն ու դաժան ճշմարտությունները, նա, սակայն, երբեք չի չարացել: Սրտում անսահման սերն է, հոգում՝ բոցավառվող լույսը ի կյանք: Այս ամենը երեւակված է նկարչի վրձնից ծնված անզուգական կտավներում: Ամեն մի կտավ յուրահատուկ էներգիա ունի, շունչ ու արտի թրթռ ունի, կյանք ու իմաստ ունի: Սիրո, լույսի ու բարության առաքյալն է Վարպետն իր արվեստով: Հրանտ Թաթուս արվեստագետի կյանքի ուղին հեշտ չի եղել: Իր աշխատասիրության ու բարձրալի կողմից տրված տաղանդի շնորհիվ նա տարիների բովում թրծվել ու կայացել է որպես հայ գեղարվեստի քրմապետ: Անվանի գեղանկարիչը ստեղծագործում է բազմաժանր: Նրա վրձինը կերտել ու կերտում է մատյուրմորտներ, դիմանկարներ, վերացական հորին-

վածքներ, բնապատկերներ:

Երեւելի արվեստագետը շրջանավարտն է Խաչատուր Աբովյանի անվան ՀՊՄՀ գեղագիտության ֆակուլտետի: Նա երկար տարիներ մանկավարժական անխոնջ գործունեություն է ծավալում՝ դասավանդելով ճարտարապետության եւ շինարարության Հայաստանի ազգային համալսարանում: Պրոֆեսորը, կրթելով սերունդներ, իր փորձն ու գիտելիքներն անվերապա հորեն ու անմնացորդ փոխանցում է ուսանողներին:

Երվանդակարչի ոճն ու ձեռագիրն անմասն է, տարբերվող ու շենջող: Նա ունի գույնի եւ պատկերի նրբաճշակ, էսքետիկ ընկալում, մկրտված է բացառիկ լույսով: Վարպետին հատուկ է գեղարվեստափիլիսոփայական խորը, ինքնատիպ մտածողություն, գույների համահավաք, ներդաշնակ ամպլիտուդա: Հրանտ Թաթուսին տրված է մարդկային շնորհներից ազնվագույնը՝ ստեղծագործելու, արարելու շնորհը: Նա իր անսպառ էներգիայով այն հասցրել է կատարելության, խոնարհության ծառայել ի նպաստ հայրենիքին ու իր ժողովրդին: Վերջին տասնամյակներում հայ մշակույթի երկնակամարում Հրանտ Թաթուսի անունը փալատակում է վառ լույսով՝ ջերմացնելով հայրենակիցների ու արվեստի երկրպագուների սրտերը:

Գեղանկարչի անհատական ցուցահանդեսները փայլուն կերպով կայացել են՝ Հայաստանի, Արգենտինայի, Ֆրանսայի, ԱՄՆ-ի, Գերմանիայի, Շվեյցարիայի մի շարք քաղաքներում: Աշխարհի տարբեր երկրների մասնավոր հավաքածուներում սփռված վարպետի կտավները պատմում են ու խորհրդանշում հային: Որտեղ կա գույների մասնատրոյի վրձնահարվածը, այնտեղ տիրում է գերբնական խաղաղություն, սեր, լույսով լցված ջերմ մթնոլորտ:

Վեց հազարից ավելի կտավների շարքում մի առանձնահատուկ նշանակություն ունեն հայկական ու համաշխարհային կոթողները, քրիստոնեական տաճարները, սրբավայրերը, միջնադարյան հոգեւոր-կրթական համալիրները, որոնք նա հավերժացրել է իր մոգական վրձնով: Սրանք պատմական Հայաստանի, հայ ազգի անդուլ հավատի, կրոնի խոսուն ու լուռ վկաներն են: Հատկանշական են Անիի սուրբ Աստվածածին կաթողիկե եկեղեցին, որը դասվում է հայ ու համաշխարհային ճարտարապետական նմուշի շարքին, Օձունի սուրբ Աստվածածին գմբեթավոր բազիլիկ եկեղեցին, որը վաղ միջնադարյան եզակի կառույցներից է՝ հավերժացած Վարպետի կտավներում: Նաեւ սուրբ Կարապետ վանական հավաքում իր գործնական: Մռավ սարի

լանջին բազմած պատմական Արցախի Դաղիվանք վանական համալիրը: Դրանք նա պատկերել է իր վրձնի գույներով, հատուկ վեհությամբ ու անսահման հավատով: Արագած լեռան լանջին՝ Ամբերդ ամրոցի տարածքում, թաղեւտայանական վառ գունապնակով արարվել է «Առավոտ լուսո» կտավը՝ վեհաշուք սուրբ Աստվածածինը: Անձեռակերտ կտավ է «Խոնարհված եկեղեցին»՝ արարված վարպետի հոգու ամենամուրբ գույներով, ճշմարիտ հավատքի մկրակն ծաղկունքով: Ծաղկած եկեղեցիների շարքը անվերջանալի է, քանզի վարպետն ստեղծագործում է ամեն օր, ամեն ժամ:

Հայրենի բնաշխարհն իր վրձնով հավերժացրած գեղանկարիչը հայ մշակույթի գանձարանը հարստացրել է արվեստի արժեքավոր գոհարներով: Վարպետի յուրաքանչյուր բնապատկերում Հայաստան աշխարհի արքեցնող բույրն է:

Վարպետի կախարդական վրձնահարվածից արթնացած խաշխաշները, հյուսնելով քննուշ մեղեդի, սփռում են գունեղ տեսիլքներ: Հիպնոտիկ ազդեցությամբ գերում ու բժշկում հոգիներ:

Հայ գեղանկարչության մեջ եզակի նմուշ կարող ենք համարել Հրանտ Թաթուսի սպիտակ ցուլը՝ «Դաղար» : Գլխավոր մեղեդին կանգ առած ակնթարթն է: Երբ երաժշտությունը դադարել է, բայց օդում սավառում են հնչյունները: Կտավում մենակատարը ճերմակ ցուլն է՝ հստակ, մաքուր, առիթմալ: Սա երաժշտա-խոհափիլիսոփայական լեզունդար կտավ է, որտեղ խորհրդը սպասողական լռությունն է: Արվեստագետի մտահորիզոնը հատելով ժամանակի սահմանը, փիլիսոփայորեն իմաստավորած ընտրել է իր հոգում ներդաշնակ գունաֆոն: Ծերմակ ցուլն իր հետեւում թողնում է մութն ու խավարը՝ մուգ դարչնագույնից անցնելով կարմիրով, ուղեցնի՜ր՝ դեպի արեւի ոսկե դիմը: Խորհրդավոր այս կենդանուց լույս է ցուլում: Պերճաշուք կեցվածքով ցուլը, հզոր, բայց հանգիստ, հատատում ու անդդվելի քայլ է անում դեպի նորի սկիզբ, դեպի հաղթանակ:

Հրանտ Թաթուսի «Վարագույն»

րի հետեւում» կտավը գայթակղության բարձրակետ է: Ստեղծագործ մտավորականն արարել է շնչահեղձության հասնող զգացմունք: Հյուսիքը կարմիրում կնոջ շքեղությունն ու առաքինությունն է՝ զուգորդված այնպիսի խոնարի կերպարանքով, որ լցվում-լիանում են այրող ու մաքուր բոցով: Վարագույնից այն կողմ պատկերված է կանացի ողջ հմայքը, գաղտնի, խորհրդավոր էությամբ: Սիրո, կրքի բոցավառվող կարմիրից, ակամայից Ավ. Իսահակյանի տողերն են գալիս. «Եկեք՝ ստեղծենք Ադամի համար մի քնքուշ ընկեր, որ մարդը միայնակ չվայելե դրախտի հրապույրները»:

... Եվ Աստված բռնեց դեպի վեր սուրացող կրակն ու նրա բեկբեկուն, ճախրուն բոցերից ստեղծեց անդրանիկ կնոջը՝ Լիլիթին:

Եվ նայելով իր ստեղծածին՝ հիացած ասաց.

«Բարի է, որովհետեւ գեղեցիկ է»:

Անվանի նկարչի հետ շփումը մեծագույն պատիվ է: Նա մարդկային բարձր արժանիքներով օժտված իմաստուն մտավորական է: Յուրաքանչյուր բառը, խոսքը, անգամ վարվելածեղ մշակույթ է՝ բնորոշ ազնվագույն արվեստագետին: Նշանակալի է իր սիրելի ու գեղեցկուհի տիկնոջ դերը վարպետի կյանքում: Տիկին Սիլվան, հայ կնոջը հատուկ հեգությամբ, ջերմությամբ, հոգատարությամբ, մեծ սիրով ոգեշնչում է Հրանտ Թաթուս մեծությանը:

Գեղանկարչի աչքերին նայելով՝ սուզվում ես միջնեւ հոգու անհատական խորքը, որտեղից բարություն ու ջերմություն է հորդում: Ծայրահեղ նրբակատ ու վեհամեծ է գույների մաեստրոն: Երջանկություն է լինել նրա ժամանակակիցը, բարեբախտություն՝ անձնապես ճանաչելը:

Մարիաննա Գեւորգյան



Գավառի պետական համալսարանի ամենամյա 29-րդ միջազգային գիտա-ժողովի առաջին բաժանմունքում ներկայացվել են զեկուցումներ փիլիսոփայական, աստվածաբանական, պատմական, մշակութաբանական գիտությունների տարբեր հիմնախնդիրների վերաբերյալ:

Ինչպես տեղեկացրին Գավառի պետական համալսարանի արտաքին կապերի եւ լրատվության բաժնից, գիտական զեկուցումները նվիրված էին հայոց պատմության հիմնախնդիրներին Հայաստանի առաջին հանրապետության մամուլին, տեղական ինքնակառավարման մարմինների գործունեությանը, 1945 թ. Ամենայն հայոց կաթողիկոսի ընտրության հարցին, ինչպես նաեւ 1915-1920-ականների Նոր Բայազետի գավառում որբախմամ գործունեության կազմակերպման խնդիրներին:

Գիտաժողովին զեկուցումներով հանդես են եկել Գավառի պետական համալսարանի հումանիտար մասնագիտությունների ֆակուլտետի հասարա-

ԳՊՀ 29-րդ ԳԻՏԱԺՈՂՎՈՒՄ ՆԵՐԿԱՅԱՑՎԵԼ ԵՆ ՀԱՅՈՑ ՊԱՏՄՈՒԹՅԱՆ ՀԻՄՆԱԽՆԴԻՐՆԵՐԻՆ ՆՎԻՐՎԱԾ ԶԵԿՈՒՅՈՒՄՆԵՐ



կական գիտությունների ամբիոնի վարիչ, փիլիսոփայական գիտությունների թեկնածու Համլետ Ղաջոյանը (զեկուցման թեման՝ «Վաղիկ Ներսիսյանցի «Ցիլիլիզմի մանիֆեստը» աշխատությունը որպես հասարակության առաջընթացի մոդել»), ամբիոնի դասախոս-

ներ, պատմական գիտությունների դոկտոր, պրոֆեսոր Վալերի Թունյանը (զեկուցման թեման՝ «Հայկական հարցը եւ վրոպական տերությունները ռուսական պատմագրությունում»), պատմական գիտությունների

բախմամ գործունեության կազմակերպումը Նոր Բայազետի գավառում (1915-1920-ական թվականներ): Դասախոս Զանաքարա Հայրապետյանի հետ համահեղինակությամբ զեկուցումներ են ներկայացրել Գավառի պետական համալսարանի հումանիտար մասնագիտությունների ֆակուլտետի «Պատմություն» մասնագիտության ֆակուլտետի 4-րդ կուրսի ուսանողուհիներ Լեւա Խաչատրյանը (զեկուցման թեման՝ «Նադիր Շահի բռնագաղթի քաղաքականությունը Արեւելյան Հայաստանում») եւ Արմինե Ասլանյանը (զեկուցման թեման՝ «1945 թվականին Ամենայն Հայոց կաթողիկոսի ընտրության հարցի շուրջ»):

Գիտաժողովին զեկուցմամբ հանդես են եկել ՀՊՏՀ դասախոս, պատմական գիտությունների թեկնածու Աննա Ասատրյանը (զեկուցման թեման՝ «ՏԻՄ-երի գործունեության լուսաբանումը Հայաստանի Առաջին Հանրապետության մամուլի էջերում»):

Բաժանմունքի աշխատանքներն ընթացել են ակտիվ հարցուպատասխանի եւ քննարկումների մթնոլորտում:

«Գեղամա աշխարհ»

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԸ ՀՅՈՒՐԸՆԿԱԼԵԼ Է ԶԵԽԻԱՅԻ ԵՎ ՌՈՒՄԻՆԻԱՅԻ ՀԱՆՐԱՊԵՏՈՒԹՅՈՒՆՆԵՐԻ ԴԵՄՊԱՆՆԵՐԻՆ

Գավառի պետական համալսարանում կայացել է հանդիպում ՀՀ-ում Զեխիայի Հանրապետության արտակարգ եւ լիազոր դեսպան, Նորին Գերազանցություն Պետր Պիրունչիկի եւ ՀՀ-ում Ռումինիայի Հանրապետության արտակարգ եւ լիազոր դեսպան, Նորին Գերազանցություն Կորնել Իոնեսկուի հետ՝ «Եվրոպական Միությունը երիտասարդների համար. եկեք խոսենք այն մասին, ինչը միավորում է մեզ» խորագրով:

Հանդիպումը տեղի է ունեցել Հայաստանում Եվրոպական Միության պատվիրակության կազմակերպած «Եվրոպայի օրերի» միջոցառումների շրջանակում:

Ողջույնի խոսքով հանդես է եկել ԳՊՀ ռեկտոր Ռուզաննա Հակոբյանը՝ անդրադառնալով կրթության եւ միջազգային համագործակցության կարելիությանը:



երիտասարդների մասնագիտական կայացման եւ մրցունակության ապահովման գործում: Ելույթներով հանդես են եկել դեսպաններ Պետր Պիրունչիկը եւ Կորնել Իոնեսկուն:

Բանախոսները ներկայացրել են ուսանողների եւ դասախոսների համար մախատեսված ԵՄ կրթական, գիտահետազոտական ծրագրերը, ինչպես նաեւ Եվրոպական փորձը երիտասարդական քաղաքականության ոլորտում:

Մասնակիցները հյուրերին ուղղել են հարցեր միջազգային ակադեմիական շարժունության ծրագրերի, միջբուհական համագործակցության հնարավորությունների մասին:

ԳՊՀ արտաքին կապերի եւ լրատվության բաժին

ԳԵՂԱՐՔՈՒՆԻՔԻ ՄԱՐԶՈՒՄ ՀԱՅՏՆԻ ԵՆ «ՀՀ ՎԱՐՉԱՊԵՏԻ ԳԱՎԱՆ» ԽՃՈՒՂԱՅԻՆ ՀԵԾՄԱՆՎԱԿԱԶՔԻ ՄԱՐԶԱՅԻՆ ՓՈՒԼԻ ՀԱՂՈՂՆԵՐԸ



Գեղարքունիքի մարզում անցկացվել է «ՀՀ Վարչապետի գավաթ-2026» խճուղային հեծանվավազքի սիրողական մրցաշարի մարզային փուլը:

Այն անցկացվել է Շողակաթ համայնքից մինչեւ Ծովագյուղ երկաթուղային կայարան 30 կմ երթուղով: Երկու տարիքային խմբերում մասնակցել են 78 մարզիկներ: Առաջին տարիքային խմբում հանդես եկող թիմերի կազմում ընդգրկվել են նույն դարձի 7-9-րդ դասարաններում սովորող 1 տղա եւ 1 աղջիկ, իսկ երկրորդ տարիքային խմբում՝ 10-12-րդ դասարաններում սովորող 2 տղա 2 աղջիկ:

1-ին տարիքային խմբում 1-ին տեղը

գրավել է Սեւանի Մ. Մաշտոցի անվան թիվ 1 հիմնական դպրոցի թիմը: 2-րդ տեղը զբաղեցրել է Գետիկի միջնակարգ դպրոցի թիմը, 3-րդ տեղը՝ Լուսակունքի միջնակարգ դպրոցի թիմը:

2-րդ տարիքային խմբում 1-ին տեղը գրավել է Լճաշենի Ա. Տեր-Գրիգորյանի անվան միջնակարգ դպրոցի թիմը: 2-րդ տեղը զբաղեցրել է Ծովագյուղի միջնակարգ դպրոցի թիմը:

Մարզային փուլում բոլոր հաղթող հավաքական թիմերը պարգևատրվել են հավաստագրերով եւ գավաթներով:

2 տարիքային խմբերում 1-ին տեղ գրաված Սեւանի Մ. Մաշտոցի անվան թիվ 1 հիմնական դպրոցի եւ Լճաշենի Ա. Տեր-Գրիգորյանի անվան միջնակարգ դպրոցի հավաքական թիմերը կմասնակցեն «ՀՀ Վարչապետի գավաթ-2026» խճուղային հեծանվավազքի հանրապետական փուլին:

Գեղամա շարվաղարյան

ՆՈՐԱՐԱԿՈՒՄ ՀԱՅՏՆԱԲԵՐՎԵԼ Է ԶԱՐԳԱՅԱԾ ՄԻՋՆԱԴԱՐՈՎ ԹՎԱԳՐՎՈՂ ԵՐԿԱԹՅԱՆԻ ԾԱՅՐԱԿԱԼ

Գեղարքունիքի մարզի Վարդենիս համայնքի Նորաբակ գյուղի տարածքի հնավայրից գյուղատնտեսական աշխատանքների կատարման ընթացքում հողի տակից գտնվել է միզակի երկաթյա ծայրակալ, որը գտնող անձը՝ Նորաբակի վարչական ղեկավար Վագեն Ասադուրյանը, այն փոխանցել է «Գեղամա աշխարհ» մարզային թերթի խմբագրությանը:

Մոտ 30 սանտիմետր երկարության միզակի ծայրակալի լուսանկարն ուղարկվել է ՀՀ Հնագիտության եւ ազգագրության ինստիտուտի մասնագետների ուշադրությանը՝ այն ուսումնասիրելու եւ դրա պատրաստման ժամանակաշրջանը որոշելու նպատակով: ՀՀ ԳԱՄ Հնագիտության եւ ազգագրության ինստիտուտի տնօրեն Արսեն Բոբոխյանը՝ հենվելով մասնագետների եզրակացության վրա, հավաստեց, որ միզակի երկաթյա ծայրակալը պատրաստվել է զարգացած միջնադարում՝ 9-12-րդ դարերի ընթացքում, երբ Նորաբակ գյուղը գտնվում էր Սյունյաց նահանգի Սոթք գավառի կազմում:

Նիզակի ծայրակալը գտնվել է Նորաբակի հյուսիսարեւելյան կողմի հատվածում, վարելահողերի կողքին գտնվող հանդամասից, որից քիչ հեռվում գտնվում էր վրա նկատելի են մասեր ինչ-որ կառույցի քարե սյուների երկու խարխիսներ: Նիզակի ծայրակալի գտնվելու վայրում հողի տակից հաճախակի են դուրս գալիս կծերի, կարասների, կուլանների մնացորդներ, ինչը հուշում է, որ մենք գործ ունենք հին



ժամանակների բնակատեղիի հետ, ներկայացրեց Նորաբակի վարչական ղեկավարը:

Նորաբակում գտնված միզակի ծայրակալն արդեն համալրել է Գեղարքունիքի երկրագիտական թանգարանի հնագիտական արժեքների շարքը:

Խոսրով Խլղայան

ԳԵՂԱՐՔՈՒՆԻՔԻ ՄԱՐԶԻ ՀԱՆՐԱՆԻԹԱԿԱՆ 7 ԴՊՐՈՑՆԵՐ ԿԱՊԱՀՈՎԵՆ ՄԱՐԶԱԳՈՒՅՔՈՎ

ՀՀ կառավարության 2026 թվականի մայիսի 21-ի հեղթական նիստում որոշում է կայացվել՝ 32 միլիոն 487 հազար 400 դրամ հատկացնել Գեղարքունիքի մարզպետի աշխատակազմի ենթակայությամբ գործող հանրակրթական դպրոցներին մարզագույք ձեռք բերելու նպատակով:

Ծրագրի շրջանակում մարզագույքով կհամալրվեն ճամբարակի Մ. Քոչարյանի անվան թիվ 2, Վարդենիկի Ռ. Հովհաննիսյանի անվան թիվ 1, Վարդենիսի թիվ 4 հիմնական, Գանձակի թիվ 1, Գանձակի թիվ 2, Գավառի Մ. Բունիաթյանի անվան թիվ 8, Լճափի եւ Սեւանի թիվ 6 միջնակարգ դպրոցները:

Այս դպրոցների մարզադահլիճները վերա-



մորոգվել են 2025-2026 թվականներին ընթացքում, շինարարական աշխատանքներն ավարտված են ամբողջությամբ, իսկ մարզագույքի համալրումով արդեն մոր ուսումնական տարվանից նշյալ դպրոցների աշակերտները ֆիզիկուլտուրայի դասերը կանցկացնեն արդի չափորոշիչներին համապատասխանող մարզադահլիճներում:

Գույքի ներկրման գործընթացը կսկսվի համաձայնագրի կնքումից հետո, առաջիկա 1 ամսվա ընթացքում:

«Գեղամա աշխարհ»

**ՀԱՅԿԱԿԱՆ ԸՆՏԱՆԻՔԻ ԸՆԴՀԱՆՈՒՐ ԿԱՐԱՐԱԳԻՐ
ՀՐԱՆՏ ՄԱԹԵՎՈՍՅԱՆԻ ՍՏԵՂԵԱԳՈՐԾՈՒԹՅԱՆ ՄԵԶ**



/սկիզբը՝ նախորդ համարներում/
Աշխենի ողջամտությունը բավականացնում է իրավիճակը ճիշտ գնահատելու, անհատի հոգու անդրադարձումը տեսնելու համար, նրա մեծահոգությունը թույլ չի տալիս կոչը լինել իրականության նկատմամբ, սակայն արժանապատվությունը՝ բարոյական մարդու առհավատչյան, ամեն ինչից եւ ամենքից վեր է դասում:

Ժամանակի արհավիրքները խորտակում են Շուշանի բարոյական կերպարը: Նա չի ցանկանում առաջնորդվել անցյալի վարքաբարքով, իսկ նրա ծաղկուն հասակը թույլ չի տալիս ընդունել միջավայրի ծանր պահանջները: Շուշանը նախընտրում է լինել իր կաղապարի մեջ, իսկ ժամանակն ու հանգամանքները պաշտպանում են հերոսուհու շահերը:

«Կենդանին եւ մեռյալը» առավել ընդարձակ աշխարհ է, որի շրջանակներում մի տեսակ կենդանի, մի տեսակ վայրի, բնությանը համահունչ ազատությամբ առաջ է ընթանում Արեւելքը, եւ ճացման, ինքնասպառման, սեփական ձեռքերով փորած մեռյալ փոսում զվարճանում է Արեւմուտքը: Կապիտալը հայտնվել է առջեւում, մարդը մնացել է ետեւում: Այստեղ իրերն ու անձերը սկսել են գնահատվել ոչ թե բովանդակային, այլ՝ ձեւական տեսանկյունից: Նյութական կարողություններ ու-

նեցողներին մարդկային արժեքները չէ, որ պակասում են, այլ փառքը, ճանաչումը: Երբեմնի քաղաքակրթության բնօրրանում ընտանիքը կարող է կառուցվել կապիտալի հենքի վրա, առանց ավելորդ սենտիմենտալության: Այդ մեծ աշխարհում առեւտրական հարաբերությունների շրջապատյալի մեջ են հայտնվել մարդկային բոլոր արժեքները, եղծվել է մարդու կերպարը, նրա հոգեւոր, բարոյական աշխարհը:

ԱԶՆԱԿԱՆ ՈՐԱԿՆԵՐԸ ԺԱՄԱՆԱԿԻ ՄԵՋ

Անցյալի ժառանգությանը տեր լինելու եւ ապագային ավանդելու մղումը («Տերը»)

Ապագայի մասին պատկերացումները հաճախ կարող են իրենց մեջ անընթաց խառնվել սահմաններ ամփոփել, սակայն, եթե հաշվի առնենք, որ մերկայում մեր կողմից պարպող ամեն ակնթաթը դառնում է անցյալ, իրատեսական կոռուստ աշխարհում, որ անցյալը, մերկան եւ ապագան մեկ ընդհանուր համակարգի միմյանց համակցված բաղադրիչներ են: Պարզապես, երբեմն ապագան թվում է հեռավոր եւ ուշ հասնելի՝ պարփակվելով իր մեջ նոր ու անծանոթ, սակայն հավանական հնարավորությունների ամբողջություն:

Մեծ նշանակություն ունի, թե մարդը

ինչ է տանում դեպի ապագա մերկայից եւ անցյալից եւ մարդկային գործոնն այս հարցում նշանակալի է. նա է իր անցյալի եւ մերկայի տնօրինողը, ուստի կարող է լինել նաեւ իր ապագայի ճարտարապետը: Ապագան նախագծվում է անցյալում եւ հաստատվում, ամրագրվում է մերկայում:

Ապագայի նկատմամբ հետաքրքրությունը ոչ թե համեստ դրսեւորումներ, այլ մեծ նախաձեռնողություն, կառուցողական մտածողություն պետք է ունենա իր մեջ՝ գտնելու համար ցանկալի հանգրվանը: Մարդու ընթացքը դեպի ապագա կարող է «ընդհատվել» անցյալ-մերկա-ապագա հաղորդակցության անտեսման, անցյալի ու մերկայի անսահմանափակ թվացող հոգեւոր եւ նյութական միջոցները պատշաճ կերպով չարժեւորելու հետեւանքով:

Ժամանակի երեք կարեւորագույն հանգրվանները արժեւորելու, հայ մարդու մեջ իր ունեցածի տերը լինելու առաքելության որոնումների, կորսվող ազնվականության, խաթարվող ավանդականության եւ բազմաթիվ այլ հիմնահարցերի շուրջ է ձեւավորված Յ. Մաթեոսյանի «Տերը» վիպակը:

«Տերը» վիպակին նույնպես խորք չէ գյուղական պատկեր լինելու մաթեոսյանական գիծը, սակայն ներսում ապրում է հեղինակի՝ Յայոց աշխարհի համար մի իսկական Տեր որոնել-գտնելու

վաղեմի երազանքը: Մ. Ջաքարյանը գրում է. «Ազգային գրականության մեջ Յ. Մաթեոսյանը նոր տեքստ է զարգացնում, որի էությունը, կառուցվածքն ու բնույթը ներծծված են ժամանակի սթափ զգացողությամբ, յուրաքանչյուր սերնդի կողմից սեփական ժամանակն ու տարածությունն ապրելով արարելու տրամադրությամբ, համաձայն որի՝ դու ապրում ես ոչ միայն քո, այլեւ քո երկրի, պետության, ազգի բարոյության համար եւ կատարելով քո պարտականությունները՝ դառնում ես Տեր»:

Յայ ընտանիքում մի կողմից նահապետը չի արտաբերել մերձավորների անունները, մյուս կողմից ընտանիքի անդամներին արգելված է եղել նրա հետ ուղիղ կերպով հաղորդակցվելը եւ անունը հնչեցնելը:

**/շարունակելի/
Ռուզան Վարդանյան**

ԳԵՂԱՐՔՈՒՆԻՔԻ ԵՐԿՐԱԳԻՏԱԿԱՆ ԹԱՆԳԱՐԱՆՈՒՄ ԿԱԶՄԱԿԵՐՊՎԵԼ Է 19-20-ՐԴ ԴԱՐԵՐԻ ՀԱՅՈՑ ԱԶԳԱՅԻՆ ՏԱՐԱԶՆԵՐԻ ՑՈՒՑԱԴՐՈՒԹՅՈՒՆ

Գեղարքունիքի երկրագիտական թանգարանը «Թանգարանային գիշեր» ու «Թանգարանների միջազգային օր» միջոցառումների ընթացքում ունեցել է 345 այցելու:

Ինչպես տեղեկացրեց Գեղարքունիքի երկրագիտական թանգարանի տնօրեն Մարիաննա Մուսոյանը, մայիսի 16-ին թանգարանում կայացել է «Թանգարանների գիշեր» միջոցառումը, որի ընթացքում այցելուներին ցուցադրվել է «Սարդարապատի հուշահամալիր Յայոց ազգագրության թանգարանի» 19-20-րդ դարերի ազգային տարազները:

Ցուցահանդեսի բացմանը թանգարանի գիտաշխատող Մանյա Չարվադարյանն անդրադարձել է հայկական տարազների պատմությանը: Միջոցառումն ուղեկցվել է Գանձակի երաժշտական դպրոցի պարարվեստի խմբի սաների ազգային պարերի կատարմամբ: Գե-



ղարքունիքի միջնակարգ դպրոցի 7-րդ դասարանի աշակերտները՝ ուսուցչուհի Խանում Խաչատրյանի գլխավորությամբ եւս մասնակցել են միջոցառմանը:

Մենք երկու միջոցառումների ընթացքում ունեցանք 345 այցելու, ովքեր մեծ հետաքրքրությամբ դիտեցին հայ ազգային տարազները, ինչպես նաեւ մեր թանգարանային հարուստ հավաքածուները, ծանոթացան մեր մարզի պատմությանն ու պատմամշակութային արժեքներին: Ոմանք իրենց տպավորությունները գրավոր թողեցին մեր թանգարանի նշումների մատյանում: Մեր այցելուները հիմնականում դպրոցների ուսուցիչներն ու աշակերտներն էին, այլ կազմակերպությունների աշխատակիցներ, անհատ քաղաքացիներ,- ներկայացրեց Մարիաննա Մուսոյանը:

ԱՍՖԱԼՏԱՊԱՏՎՈՒՄ Է ԶՈՒԱՔԱՐ ԳՅՈՒՂԻ 10-ՐԴ ՓՈՂՈՑԸ

Գեղարքունիքի մարզի Մարտունի համայնքի Ձուլաքար գյուղում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում սկսվել եւ ընթանում են 10-րդ փողոցի հիմնանորոգման աշխատանքները:

Ձուլաքարի 10-րդ փողոցի հիմնանորոգման ծրագրի պայմանագրային արժեքը կազմում է 111 միլիոն 700 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Ծրագրով նախատեսված է Ձուլաքար գյուղի 10-րդ փողոցի ասֆալտապատում 1100 գծամետր երկարությամբ, 5500 քառակուսի մետր մակերեսով: Հիմնանորոգվող ճանապարհի երկայնքով տեղադրվում է ոռոգման եւ ջրահեռացման համակարգ՝ երկաթբետոնյա կիսախողովակներով: Նույն ծրագրի շրջանակներում 900 մետր երկարությամբ էլ ոռոգման ջրատարի երկաթյա հին, քայքայված խողովակաշարը փոխարինվում է պոլիէթիլենային խողովակաշարով:



Շինարարական աշխատանքները մեկնարկել են 2026 թվականի ապրիլի կեսերից եւ մայիսի 18-ի դրությամբ իրականացվել շուրջ 40 տոկոսով: Ձուլաքարի 10-րդ փողոցն ասֆալ-

տապատվում է առաջին անգամ:

Շինարարական աշխատանքներն իրականացվող սուբվենցիոն ծրագրերի շրջանակներում արդեն ավարտական փուլում են գտնվում ոռոգման ջրատարի կառուցման աշխատանքները:

Ձուլաքարում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում արդեն ավարտական փուլում են գտնվում ոռոգման ջրատարի կառուցման աշխատանքները: Ձուլաքարի 4-րդ փողոցի ոռոգման ջրատարի կառուցման ծրագրի պայ-

մանագրային արժեքը կազմում է 33 միլիոն 898 հազար դրամ, որի 75 տոկոսը հատկացնում է ՀՀ կառավարությունը, 25 տոկոսը՝ Մարտունու համայնքապետարանը:

Ծրագրով նախատեսված է Ձուլաքարի 4-րդ փողոցի ոռոգման ջրատարի կառուցում երկաթբետոնյա կիսախողովակներով, 700 գծամետր երկարությամբ:

Շինարարական աշխատանքները մեկնարկել են 2025 թվականի սեպտեմբերից, ընդհատվել ծննդային եղանակի պատճառով ու վերսկսվել 2026 թվականի ապրիլից:

2026 թվականի մայիսի 19-ի դրությամբ ծրագիրը գտնվում է ավարտական փուլում:

Ծրագրի իրականացման արդյունքում 2026 թվականի ոռոգման շրջանի մեկնարկից արդեն 4-րդ թաղամասի մոտ 100 տնտեսությունների ոռոգման ջուրը կմատակարարվի անկորուստ ու ժամանակին:

«Գեղամա աշխարհ»

ՎԱՂԱՇԵՆՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ՆՇԱՆԱԿՈՒԹՅԱՆ 23 ԵՐԱԳԻՐ Է ԻՐԱԿԱՆԱՑՎԵԼ

Գեղարքունիքի մարզի Մարտունի համայնքի Վաղաշեն գյուղում 2018-2025 թվականներին սուբվենցիոն ու պետական ծրագրերի շրջանակներում սոցիալ-տնտեսական ու կենսական նշանակության 23 ծրագիր է իրականացվել, որոնց ուղղությամբ կատարված կապիտալ ներդրումները կազմել են 2 միլիարդ 213 միլիոն 317 հազար 619 դրամ: Ներդրված ծրագրերից 16-ը սուբվենցիոն են՝ 950 միլիոն 925 հազար դրամ արժեքով, 7-ը՝ պետական՝ 1 միլիարդ 262 միլիոն 392 հազար 600 դրամ արժեքով:

Իրականացված ծրագրերի արդյունքում 2018-2025 թվականներին Վաղաշենում կառուցվել է 25000 հազար մետր խմելու ջրատարի ներքին ու արտաքին ցանցեր, 16400 մետր ոռոգման ջրատար ցանցեր, 1 դրենաժային համակարգ 1,4 կմ երկարությամբ, 15 000 մետր լուսավորության ցանց, 700 մետր գազատար, 12000 մետր արտավայրի ջրարբիացման համակարգեր, արեւային ֆոտովոլտային կայան, հիմնանորոգ-



վել 8000 մետր ներհամայնքային ճանապարհ, Վաղաշենի մանկապարտեզի եւ դպրոցի շենքերը: Պետական ծրագրի շրջանակներում, 150 միլիոն դրամ պայմանագրային արժեքով, ընթացքի մեջ է Վաղաշենի ԱԼՊԿ նոր շենքի կառուցումը, որի շինարարական աշխատանքները մեկնարկել են 2025 թվականի հոկտեմբերից եւ կավարտվեն 2026 թվականի ընթացքում: Պետական մեկ այլ ծրագրով 2025 թվականի ընթացքում, 200 միլիոն դրամ պայմանագրային արժեքով, վերանորոգվել է Վաղաշենի միջնակարգ դպրոցի շենքը:

Վաղաշենի մանկապարտեզի շենքը հիմնանորոգվել եւ արդիականացվել է 2019-2021 թվականների ընթացքում, սուբվենցիոն ծրագրով, 112 միլիոն 374 հազար դրամ արժեքով, ու վերաբացվել 2023 թվականին: Մանկապարտեզն այժմ գործում է 3 խմբով, 90 սանով:

«Գեղամա աշխարհ»



8

ՎԵՐԻՆ ԳԵՏԱՇԵՆԻ ՊՅՈՒՂՈՒՄ 2018-2025 ԹՎԱԿԱՆՆԵՐԻՆ ՍՈՑԻԱԼ-ՏՆՏԵՍԱԿԱՆ ԵՎ ԿԵՆՍԱԿԱՆ ՆՇԱՆԱԿՈՒԹՅԱՆ 18 ԾՐԱԳԻՐ Է ԻՐԱԿԱՆԱՑՎԵԼ

Գեղարքունիքի մարզի Մարտունի համայնքի Վերին Գետաշեն գյուղում 2018-2025 թվականներին սոցիալ-տնտեսական ու կենսական նշանակության 18 ծրագիր է իրականացվել, որոնց ուղղությամբ կատարված ներդրումները կազմել են 1 միլիարդ 252 միլիոն 14 հազար դրամ: Սուբվենցիոն 17 ծրագրերի իրականացման արդյունքում, 1 միլիարդ 52 միլիոն 796 հազար դրամի ներդրմամբ, կառուցվել է 13 հազար 912 մետր երկարության ոռոգման ջրատար առուներ, հիմնադրվել 11 625 մետր ներհամայնքային ճանապարհ՝ 46 500 քառակուսի մետր մակերեսով: Արտաքին լուսավորու-



թյան ցանց է կառուցվել գյուղի երկու գերեզմանոցներում:

ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, 180 միլիոն դրամի ներդրմամբ, հիմնադրվել են արդի չափորոշիչներին է համապատասխանեցվել Վերին Գետաշենի թիվ 2 միջնակարգ դպրոցի մարզադահլիճը եւ նրան կից մասնաշենքը:

Գեղարքունիք-Ֆրանսիայի Իգերի մարզապակետնորոգված համագործակցության շրջանակներում, ֆրանսիական կողմի միջոցներով, հիմնադրվել են արդիականացվել է Վերին Գետաշենի բուժամբուլատորիայի շենքը, շուրջ 21 միլիոն դրամի ներդրմամբ:

«Գեղամա աշխարհ»

ՎԵՐԱՆՈՐՈԳՎՈՒՄ Է ԾՈՎԱԳԻՐՈՂԻ ՄՇԱԿՈՒՅԹԻ ՏՈՒՆԸ



Ենթակառուցվածքների կառավարման վարչությունից, Ծովագյուղի մշակույթի տան վերանորոգման ծրագրի պայմանագրային արժեքը կազմում է 126 միլիոն 632 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Սեւանի համայնքապետարանը:

Ծրագրով նախատեսված է Ծովագյուղի մշակույթի տան ներքին հարդարում, նոր դռների տեղադրում, սանհանգույցների, ջրամատակարարման, էներգամատակարարման համակարգերի կառուցում, այլ աշխատանքներ:

Շինարարական աշխատանքները նախատեսվում է ավարտի հասցնել 2026 թվականի սեպտեմբերին:

2026 թվականի մայիսի 19-ի դրությամբ իրականացվել է շինարարական աշխատանքների մոտ 10 տոկոսը:

«Գեղամա աշխարհ»

ՀԱՄԱՐԱՐԱԿԻ ԹԻՎ 1 ՄԻՋՆԱԿԱՐԳ ԴՊՐՈՑԻ ԿԱՌՈՒՑՄԱՆ ԱՇԽԱՏԱՆՔՆԵՐԻ ԻՐԱԿԱՆԱՑՎԵԼ ԵՆ ԾՈՒՐՋ 55 ՏՈԿՈՍՈՎ

Գեղարքունիքի մարզի ճամբարակ քաղաքի թիվ 1 հիմնական դպրոցի նորակառույց շենքի շինարարական աշխատանքների մեկնարկը տրվել է 2025 թվականի փետրվար ամսից, ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում, ՀՀ Տարածքային զարգացման հիմնադրամի պատվիրատվությամբ ու պետական միջոցներով, 1 միլիարդ 276 միլիոն դրամ պայմանագրային արժեքով:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, դպրոցական նոր շենքը կառուցվում է է հին շենքի տեղում՝ 450 աշակերտական տեղով: Կառուցմանը նախորդել են դպրոցական հին շենքի քանդման ու շինադրի հեռացման աշխատանքները: Նորակառույց դպրոցը կունենա յոթ



մասնաշենք եւ արդի չափորոշիչներին համապատասխան պայմաններ: Ձեռք կբերվի նոր գույք:

2026 թվականի մայիսի 19-ի դրությամբ շինարարական աշխատանքներն իրականացվել են շուրջ 55 տոկոսով:

Շինարարությունը նախատեսվում է ավարտել 2026 թվականի նոյեմբերի 30-ին:

«Գեղամա աշխարհ»

ՎԵՐԻՆ ԳԵՏԱՇԵՆՈՒՄ ԱՐՏԱՔԻՆ ԼՈՒՍԱՎՈՐՈՒԹՅԱՆ ՑԱՆՑ Է ԿԱՌՈՒՑՎՈՒՄ



Վերին Գետաշենի արտաքին լուսավորության ցանցի կառուցման ծրագրի պայմանագրային արժեքը կազմում է 47 միլիոն դրամ, որի 60 տոկոսը հատկացնում է ՀՀ կառավարությունը, 40 տոկոսը՝ Մարտունու համայնքապետարանը:

Ծրագրով նախատեսվում է արտաքին լուսավորության ցանցի կառուցում Վերին Գետաշենի կենտրոնական ու երկրորդական փողոցներում, 9800 գծամետր երկարությամբ, ԼԵՂ համակարգով աշխատող

280 լուսատուների տեղադրմամբ:

2026 թվականի մայիսի 20-ի դրությամբ շինարարությունն իրականացվել է շուրջ 80 տոկոսով:

Ծրագրի իրականացման արդյունքում Վերին Գետաշենի յոթ փողոցների տնտեսությունները արտաքին լուսավորության ցանցից օգտվելու հնարավորություն կունենան:

ՎԵՐԱՆՈՐՈԳՎՈՒՄ Է ՀԱՅՐԱՎԱՆՔԻ ՄԻՋՆԱԿԱՐԳ ԴՊՐՈՑԻ ԾԵՆՔԸ

ՀՀ կառավարության կողմից իրականացվող «300 դպրոց, 500 մանկապարտեզ» ծրագրի շրջանակներում ու Հայաստանի Տարածքային զարգացման հիմնադրամի պատվիրատվությամբ 2026 թվականի մարտի 20-ից մեկնարկել են ընթանում են Գաղարքունիքի մարզի Գավառ համայնքի Հայրավանք գյուղի միջնակարգ դպրոցի վերանորոգման աշխատանքները:

Ինչպես տեղեկացրին Գեղարքունիքի մարզպետի աշխատակազմի քաղաքաշինության, հողաշինության եւ ենթակառուցվածքների կառավարման վարչությունից, Ծրագրի պայմանագրային արժեքը կազմում է 296 միլիոն 600 հազար դրամ, որն ամբողջությամբ հատկացվում է պետբյուջեի միջոցներից:

Ծրագրով նախատեսված է հատակի, տանիքի, միջանցքների ու դասասենյակների, սանհանգույցների, ջրամատակարարման ու էներգամատակարարման համակարգերի վերանորոգում, նոր դռ-



ների ու լուսամուտների տեղադրում, բակային տարածքի ասֆալտապատում եւ բարեկարգում, ֆուտբոլի դաշտի վերանորոգում, այլ աշխատանքներ:

2026 թվականի մայիսի 18-ի դրությամբ շինարարական աշխատանքներն իրականացվել են շուրջ 85 տոկոսով:

Շինարարական աշխատանքները նախատեսվում է ավարտել 2026 թվականի սեպտեմբերին:

ՎԱՐԴԵՆԻՍ ՀԱՄԱՅՆՔՈՒՄ ԿԱՅԱՑԵԼ Է ԴՊՐՈՑԱԿԱՆ ԱՂՋԻԿՆԵՐԻ ՄԻՆԻ ՖՈՒՏԲՈՒԼ ԲԱՑ ԱՌԱՋՆՈՒԹՅՈՒՆ

Գեղարքունիքի մարզի Վարդենիս քաղաքի թիվ 1 մարզադպրոցում կայացել է դպրոցական աղջիկների մինի ֆուտբոլի բաց առաջնություն, որը կազմակերպել է Հայաստանի ֆուտբոլի ֆեդերացիայի Գեղարքունիքի մարզի ներկայացուցիչ Վարդան Դավթյանը:

Ինչպես տեղեկացրին Վարդենիսի համայնքապետարանի աշխատակազմից, մրցաշարին ներկա են եղել «Հայաստանի Աղջիկների Առաջնորդությունը Սպորտում» կրթական հիմնադրամի ներկայացուցիչները:

Առաջնությանը մասնակցել են Գեղամասարի, Սոթքի, Փոքր Մասրիկի եւ Ծակքարի միջնակարգ դպրոցների հավաքական թիմերը:



Մրցաշարի վերջնական արդյունքներով առաջին տեղը գրավել է Գեղամասարի միջնակարգ դպրոցի թիմը: Երկրորդ տեղը գրավել է Սոթքի միջնակարգ դպրոցի թիմը, 3-րդ տեղը՝ Ծակքարի միջնակարգ դպրոցի թիմը: Լավագույն ֆուտբոլիստուհիներ են ճանաչվել Սոթքի միջնակարգ դպրոցի աշակերտ Միլենա Ավետյանը, Ծակքարի միջնակարգ դպրոցի աշակերտ Մերի Ղուկասյանը եւ Գեղամասարի միջնակարգ դպրոցի աշակերտ Միլենա Հարությունյանը:

Վարդենիսի համայնքապետարան



Լրատվական գործունեություն իրականացնող «Գեղարքունիք» թերթի խմբագրություն» ՓԲԸ: Հասցեն՝ ք. Գավառ, Կենտրոնական հրապարակ 7
Էլ.հասցե՝ khosrov1@yandex. ru
Գլխավոր խմբագիր՝ Խոսրով Խլղաթյան
Ինժ. բջջ. 094022692

Վկայական՝ 02 Ա 050560: Գրանցման համարը՝ 25.120.00834:
Տրված 07.05.2001թ.: Տպաքանակը՝ 1000: Ծավալը՝ 2 մամուլ:
Թողարկման օրը՝ 29. 05. 2026 թ.:
Տպագրվում է «Սմարտ» ՍՊԸ տպարանում:
«Գեղամա աշխարհ» թերթի բոլոր համարներին կարող եք ծանոթանալ <https://tert.nla.am> կայքում: